

Angajoqqaanut paasissutissiissut

Timminneq meriarnerlu

Timmittoqarlunilu meriartoqarsimammat (nerisat arrofíni aseruuttoorneq) angajoqqaatut nappaatip tuniluussinnaaneranut annikillisitseqataasinnaavutit. Ilitsersuut atuaruk meeqqallu timmillunilu meriartarpal sulisut tamatuminnga ilisimatikkit.

Timminneq tassaavoq tassanngaannaq imiinnartut ittumik anaqalerneq imal. ullup unnuallu ataatsip ingerlanerani arlaleriarluni aqitsumik anartarneq. Timminnertut taaneqassappat meeqqap nalinginnaasumik anarisartagaanit kinissusaa imal. anartarnerup akulikissusaa qularnaatsumik allaassuteqassaaq. Timminneq tappiorannartunik virus-inik, bakteerissanik imal. miluuttunik patsiseqarsinnaavoq. Toqunartunittoornerit ilaannut timminneq ersiutaasarpooq aseruuttoornerniluunniit ersiutaasunut ilaasarluni.

Naarlunneq, meriarneq timminnerlu ilukkut nappaatinut allanut patsisaasinnaapput. Tamatuma saniatigut naat avataanni nappaatit arlalissuit, ass. toqquasaarlunneq, siuserineq quullu aqquaagut aseruuttoorneq, meeqqani minnerni meriarnermik timminnermilluunniit ilaqtinnejartarpal.

Naalungiarsunni meeqqanilu nukanganerusuni tappiorannartut virus-it pingaartumik norovirus (Roskildesye) kiisalu rotavirus ukiuunerani nalinginnaanerusartut timminnermut patsisaagajunnerupput.

VTEC (tappiorannartoq E-coli verocytotoxin-imik toqunartuliortoq) coli-bakteeriaavoq immikkullarissoq timminnermik aammik aqoqarajussinnaasumik ersiuteqarsinnaasartoq. Qaqutigut nappaat taanna tartut suliunnaarnerannik kinguneqartumik peruluutaalersinnaasarpooq. Taamaammat VTEC immikkut piumasaqaatitalinnik maleruagassaqarpooq (kingorna tamatumunnga tunngasoq takuuk). VTEC inummiit inummut, uumasut tamugartortut ilaanniit inunnut kiisalu nersussuup neqaanit nerisassiat imal. tamugartortut anaannik mingutsinneqarsimasut aqqtigalugit tuniluuttarpooq.

Paaqqinnittarfinni bakteerissanik miluuttunilluunniit patsiseqartumik timminnermik nappaalasoqartualersinnaasarportaaq.

Tunillatsinnej

Annami meriaamilu tunillannartoq assaat, atortut nerisassalluunniit aqqtigalugit siaruaattarpooq. Pingaartumik norovirus, suulluunniit qaavini sivisuumik uumasinnaasoq, eqqiaalluarluarluarluni eqqiluisaarluarluarlunilu peeruminaatsuuvoq.

Tunillatsissimasuniit sulili napparsimalersimangitsunit, ilaqtariinnit timmittulinneersunit, napparsimasunit imal. suli ajorunnaarluaratik meeqqerivimmut utertunit tunillatsinnej, tassaapput meeqqerivinni nappaatit tuniluunnerannut patsisaasut pingaarnersaat.

Bakteerissanik Salmonella-nik Campylobacter-inillu patsiseqartumik naarluteqarneq nerisatigut tuniluunnerusarmat, virus-imik patsiseqartunit tunillannannnginneruvooq.

Nunatsinni Nakorsaaneqarfik

Pitsaliuineq

Nappaatip assaat aqqutigalugit tuniluuttarnera pissutigalugu siaruaatinnginnissaalu anguniarlugu, pingaartumik perusuersareernermermi nangilersuereernermermilu assaat eqqiluitsuutinnissaat pingaaruteqarpoq.

Nappaammut ersiutit

Tunillatsinnermiit napparsimalernissap tungaanut sivisussusaa: ullut marlussuugajuttarput. Naakkut aseruttoornermut ersiutaagajuttut tassaapput meriarneq, timminneq naarlunnerlu immaqalu kissarneqarneq. Naarlunneq ataannarani kipisaqattaatumilli annernartuugajuppoq. Suna patsisaasoq apeqqutaalluni nappaammut ersiutit assigiinngissinnaasarput. Nappaatip ersiutai kisiisa toqqammavigalugit nappaammik suussusersiniaaneq ajornartuugajuppoq.

Nakorsartinneq

Meeraq pingaartumik meriartarpat kissarneqarpalluunniit imermik amigaateqaleqqunagu imerluarnissaa pingaaruteqarpoq. Qaqtiguinnaq naakkut aseruttoorneq nakorsartariaqarsinnaasarpoq, taamaassappat peqqinnissaqarfiup innersuussutaa naapertorlugu nakorsaatitortoqassaaq.

Taama nappaateqartoqartillugu maleruagassat

Peqqinnissaqarfik attavagineqassaaq:

- Nnaalungiarsuappat
- Anaq aattaqarpat naallu anniarinerinut ersiuteqarpat
- Meeraq nukillaangalluni avatangiisiminut soqutigisaqanngippat
- Meeraq imernikippat imal. nangii panerpata annikitsuinnarmilluunniit masattarpata
- Nakorsartinneq aallartitaq iluaqutaanngippat meeraruunniit nappaamminik nangitseqqippat.

Naarluitit timmissutaasartut ilaanni nappaalassutaasartunilu, meeqqap (inersimasulluunniit) meeqqerivimmut uteqqinnginnermini peqqissilluarsimanissaata saniatigut, annap misisornerani marloriarluni tappiorannartunik nappaateqalersitsisartunik pingaartumik VTEC Shigella-lu akoqannginnerata qulakkeeqqaarnissaa, Nunatsinni Nakorsaaneqarfifup piumasqaatigisinnaavaa.

Meeqqerivimmukaqqinnissaq

Meeraq peqqissippat anaalu pissusissamisut isikkoqaleqqippat. Tappiorannartumik noro-virus-imik patsiseqartumik naarluteqarnermi (Roskildesyge) timmikkunnaarnerup meriarunnaarnerullu kingorna ullut marluk qaangiunnerini aatsaat meeqqerivimmukaqqissinnaaneq innersuussutaavoq. Tappiorannartunut VTEC Shigella-mullu tunngatillugu maleruagassat immikkut ittut siuliani takukkit.